



28 Februari 2013
28 February 2013
P.U. (A) 62

WARTA KERAJAAN PERSEKUTUAN

*FEDERAL GOVERNMENT
GAZETTE*

PERATURAN-PERATURAN PEMULIHARAAN
HIDUPAN LIAR (PELUPUSAN) 2013

*WILDLIFE CONSERVATION (DISPOSAL)
REGULATIONS 2013*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PEMULIHARAAN HIDUPAN LIAR 2010

PERATURAN-PERATURAN PEMULIHARAAN HIDUPAN LIAR (PELUPUSAN) 2013

PADA menjalankan kuasa yang diberikan oleh perenggan 132(2)(d) Akta Pemuliharaan Hidupan Liar 2010 [*Akta 716*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Pemuliharaan Hidupan Liar (Pelupusan) 2013**.

(2) Peraturan-Peraturan ini mula berkuat kuasa pada 1 Mac 2013.

Tafsiran

2. Dalam Peraturan-Peraturan ini, “dokter veterinar” ertinya seseorang yang didaftarkan di bawah Akta Doktor Veterinar 1974 [*Akta 147*].

Pelupusan hidupan liar

3. Mana-mana pemegang suatu lesen, permit atau permit khas yang dikeluarkan di bawah Akta boleh melupuskan hidupan liar yang berada dalam milikan atau jagaannya dengan cara—

(a) menyerahkan hidupan liar itu kepada pegawai pelesen; atau

(b) hidupan liar itu dieutanasiakan oleh doktor veterinar atau mana-mana orang di bawah pengawasan doktor veterinar.

Keperluan bedah siasat

4. (1) Kecuali bagi kelas amfibia, insekta dan araknida, pemegang lesen, permit atau permit khas hendaklah dengan serta-merta selepas kematian hidupan liar memberitahu seorang doktor veterinar bagi maksud menjalankan suatu bedah siasat.

(2) Doktor veterinar itu hendaklah memutuskan sama ada suatu bedah siasat ke atas hidupan liar itu adalah perlu atau tidak.

(3) Pemegang suatu lesen, permit atau permit khas hendaklah memaklumkan pegawai pelesen dengan seberapa segera yang praktik tentang dapatan doktor veterinar itu.

Kaedah pelupusan hidupan liar

5. (1) Sekiranya hidupan liar itu mati disebabkan oleh suatu penyakit yang tidak berjangkit sebagaimana yang disahkan oleh doktor veterinar, ia bolehlah dilupuskan dengan kelulusan pegawai pelesen dengan cara ditanam atau dibakar dalam suatu tempat pembakaran.

(2) Sekiranya hidupan liar itu mati disebabkan oleh suatu penyakit yang berjangkit sebagaimana yang disahkan oleh doktor veterinar, ia bolehlah dilupuskan dengan kelulusan pegawai pelesen dengan cara dibakar dalam suatu tempat pembakaran atau dengan apa-apa cara lain sebagaimana yang ditentukan oleh pihak berkuasa veterinar.

(3) Pemegang suatu lesen, permit atau permit khas hendaklah menanggung sendiri apa-apa kos yang dibelanjakan dalam melupuskan hidupan liar itu.

Melapor kepada pihak berkuasa veterinar

6. Pemegang suatu lesen, permit atau permit khas hendaklah melaporkan kematian mana-mana hidupan liar yang dijangkiti penyakit berjangkit atau disyaki dijangkiti penyakit itu kepada pihak berkuasa veterinar mengikut kehendak di bawah seksyen 31 Akta Binatang 1953 [*Akta 647*].

Penalti

7. Mana-mana pemegang lesen, permit atau permit khas yang melanggar mana-mana peruntukan Peraturan-Peraturan ini adalah melakukan suatu kesalahan dan